

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10) i Programa utroška sredstava vodnih naknada za 2019. godinu, na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona na 35. sjednici, održanoj dana 12.12.2019. godine, d o n o s i

ODLUKU **o odobravanju sredstava Općini Usora**

Član 1. **(Predmet)**

Odobravaju se dodatna interventna sredstva u iznosu od 50.000,00 KM (slovima: pedesethiljada konvertibilnih maraka) Općini Usora kao pomoć u realiziranju projekta „Izvedba kanalizacijskog sustava Žabljak-faza III“, iz sredstava rezerve Programa utroška sredstava vodnih naknada za 2019. godinu.

Član 2. **(Analitička konta i uplata sredstava)**

Sredstva iz člana 1. ove odluke isplatit će se iz Budžeta Zeničko-dobojskog kantona za 2019. godinu, („Službene novine Zeničko-dobojskog kantona“, broj: 3/19), sa razdjela 23 – Ministarstvo za poljoprivredu, šumarstvo i vodoprivredu, budžetska organizacija 01, potrošačka jedinica 0001, ekonomski kod 614400, subanalitika NAD403, pozicija «Namjenska sredstva za finansiranje projekata iz sredstava posebnih vodnih naknada», pozicija „Rezervna sredstva za interventne aktivnosti“, na račun općine Usora.

Član 3. **(Realizacija Odluke)**

Zadužuje se Općina Usora da o namjenskom utrošku sredstava dostavi izvještaj sa potrebnim dokazima o namjenskom utrošku sredstava iz člana 1. odluke, najkasnije u roku od 6 (šest) mjeseci od prebacivanja sredstava Općini Usora.

Za praćenje realizacije ove odluke zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

Član 4. **(Stupanje na snagu)**

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-14-18238/19
Datum, 12.12.2019. godine
Z e n i c a

PREMIJER

Mirza Ganić

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x Općina Usora, putem ministarstva,
1x „Službene novine Zeničko-dobojskog kantona“,
1x a/a.